



ԿՈՌՈՒՊՑԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՎ

ՈՐՈՇՈՒՄ N 08/2026/Վ/Վ

ՎԱՐՔԱԳԾԻ ԿԱՆՈՆՆԵՐԻ ԱՌԵՐԵՎՈՒՅԹ ԽԱԽՏՄԱՆ ՎԵՐԱԲԵՐՅԱԼ ՎԱՐՈՒՅԹԻ ՀԱՐՈՒՑՈՒՄԸ ՄԵՐԺԵԼՈՒ ՄԱՍԻՆ

ք. Երևան

08 մայիսի 2026 թվական

Կոռուպցիայի կանխարգելման հանձնաժողովը, կազմով՝ Մարիամ Գալստյանի (նիստը նախագահող), Արամայիս Փաշինյանի, Արմեն Մարությանի և Եփրեմ Կարապետյանի (այսուհետ՝ Հանձնաժողով), ուսումնասիրելով 2026 թվականի ապրիլի 29-ին Հանձնաժողով մուտքագրված՝ քաղաքացի Աննա Կոստանյանի դիմումը (այսուհետ՝ Դիմում),

ՊԱՐԶԵՑ

1. Ըստ Դիմումով ներկայացված տեղեկատվության՝

1.1 Դիմումով վկայակոչվել են «Հանրային ծառայության մասին» օրենքի 4-րդ, 5-րդ, 25-րդ, 27.1-ին և 28-րդ հոդվածները, Հանձնաժողովի 2024 թվականի փետրվարի 6-ի N 02-Ն որոշման հավելվածով սահմանված պետական պաշտոն զբաղեցնող անձանց (բացառությամբ պատգամավորի, դատավորի, Բարձրագույն դատական խորհրդի անդամի, դատախազի, քննիչի), համայնքների ղեկավարների, նրանց տեղակալների, Երևան համայնքի վարչական շրջանների ղեկավարների, նրանց տեղակալների պաշտոն զբաղեցնող անձանց վարքագծի կանոնագրքի (այսուհետ՝ Կանոնագիրք) 36-37-րդ, 61-64-րդ կետերը և նշվել է, որ 2026 թվականի ապրիլի 17-ին, հանդես գալով Ազգային ժողովում, ՀՀ վարչապետ Նիկոլ Փաշինյանը, դիմելով ընդդիմադիր քաղաքական ուժերին, վերջիններիս անվանել է «շուն ու շանգյալ», ապա

հավելել է. «Եթե Ուժեղ Հայաստանը, «Հայաստան» դաշինքը, Ուժեղ ՀՀԿ-ն, «Հայաստան» դաշինքը ու ԲՀԿ-ն անցնեն խորհրդարան, նշանակում ա, որ ես իմ մտքով անցկացնեմ, որ Հայաստանի Հանրապետությունում էդքան շուն ու շանգյալ կա, որ կարա իրանց օգտին քվեարկի»: Դիմողը նշել է, որ նման անթույլատրելի արտահայտություններով, խախտելով զսպվածության ու քաղաքական անաչառության սկզբունքները, Նիկոլ Փաշինյանը վիրավորել է թե՛ վկայակոչված քաղաքական ուժերին, թե՛ վերջիններիս նախկինում ձայն տված կամ վերջիններիս օգտին քվեարկել պատրաստվող անձանց, ինչը ակնհայտորեն դուրս է կարծիքի արտահայտման սահմանադրական իրավունքի շրջանակներից և կոպտորեն խախտում է Կանոնագիրքն ու «Հանրային ծառայության մասին» օրենքը, «Մարդու իրավունքների և հիմնարար ազատությունների պաշտպանության մասին» կոնվենցիայի 10-րդ հոդվածը, դրա 2-րդ կետով սահմանված՝ քաղաքական խոսքի սահմանափակման ծավալը:

1.2 Դիմումով նշվել է, որ նման արտահայտություններով վիրավորանք է հասցվել ընտրողների, ընտրողների խմբերի, ինչպես նաև մի շարք քաղաքական ուժերի, այսինքն՝ պայմանավորված քաղաքական նախընտրությամբ՝ անձինք վարչապետի պաշտոնը զբաղեցնող անձի կողմից ենթարկվել են վիրավորանքի և խտրական մոտեցման՝ ի հակադրումն գործող նորմատիվ իրավական ակտերով սահմանված պահանջների:

1.3 Դիմումով ներկայացվել են վարքագծի կանոնների խախտման վարույթ հարուցելու և Ն.Փաշինյանի հրապարակային խոսքում վարքագծի կանոնների խախտման առկայությունն արձանագրելու պահանջներ:

2. Դիմումով ներկայացված տեղեկատվության ուսումնասիրության արդյունքում վեր հանված փաստական տվյալները և վարույթի հարուցման իրավական հիմքերը.

2.1 Հանրապետության նախագահի 2021 թվականի օգոստոսի 2-ի թիվ ՆՀ-200-Ա հրամանագրով Նիկոլ Փաշինյանը նշանակվել է ՀՀ վարչապետ և պաշտոնավարում է մինչ օրս:

2.2 Ազգային ժողովի ութերորդ գումարման 11-րդ նստաշրջանի՝ 2026 թվականի ապրիլի 16-ի հերթական նիստի տեսաձայնագրությամբ՝ ուսումնասիրությամբ Հանձնաժողովն արձանագրում է, որ Կառավարության 2021-2026 թվականների ծրագրի՝ 2025 թվականի կատարման ընթացքի վերաբերյալ զեկույցի քննարկման ընթացքում ՀՀ վարչապետ Ն.Փաշինյանը հանդես է եկել հետևյալ եզրափակիչ ելույթով.

«Երրորդ օրն է արդեն, մենք քննարկում ենք Կառավարության 2021-2026 թվականների ծրագրի կատարման ընթացքի և արդյունքների մասին 2025 թվականի զեկույցը և քննարկման արդյունքներում քննարկումը ծավալվեց, ծավալվեց, ծավալվեց, ծավալվեց և եկավ, դարձավ էն, ինչը կոչվում ա նախկին-ներկա բանավեճ: Սա տեղի ունեցավ, ընդ որում՝ տեղի ունեցավ չնախատեսված հանգամանքների բերումով: Ես ճիշտն ասած՝ էսքան, տենց տեսարան առաջին անգամ էր, գուցե նախկինում չեմ նկատել, շատ պատահական հանգամանքների բերումով տեղի ունեցավ, որովհետև դե զեկույց ա, ներկայացնում ես, մեկ էլ տեսնում ես էն դռնից ինչ-որ մարդիկ են մտնում՝ սենց արած, գալիս, սենց ինչ-որ գործողություն են անում, սենց արած՝ նորից դուրս են գալիս, ասում եմ՝ էս ի՞նչ հաշիվ ա, ժողովուրդ, էս ի՞նչ հոսք ա, մարդանց էս ի՞նչ հոսք ա, չեմ տեսել տենց բան, ես վեց տարի պատգամավոր եմ եղել, ութ տարի վարչապետ, եկել եմ էսքան, գոնե չեմ նկատել, գուցե եղել ա էլի, չեմ նկատել, բայց որ սենց ինչ-որ, սենց հոսքեր լինի, ասեցին՝ մարդիկ գալիս են գրանցվեն, որ աշխատավարձ ստանան: Էս մարդիկ մեզ ութ տարի ա «շի են շարում», թե ինչ-որ բաներ, պարզևավճարներ, չգիտեմ ինչ, չգիտեմ ինչ, գալիս են թաքուն գրանցվում, գնում, որ ենթադրենք, մի քանի կոպեկ ավել ստանան, և արդյունքում ես դա ֆիքսեցի, հրապարակեցի, իրենք ստիպված էին հետո գալ և մասնակցել ելույթների փուլին, և ելույթների փուլին մասնակցելով՝ մենք էլի եկանք, հանգեցինք նախկին-ներկա բանավեճին, և դա փաստ

¹ Հասանելի՝ https://www.youtube.com/watch?v=WcXN6_I-ZmM

ա, չնայած ես ինքս էս ամբիոնից նախկինում բազմիցս ասել եմ, որ ժողովուրդ, պետք ա էդ բանավեճից դուրս գալ, բայց էս բանավեճն ուրիշ մի հատ շերտ բացահայտեց գոնե ինձ համար, որը ես մինչև էս էդ դիտանկյունից չէի նայել, չէի նկատել, որովհետև էդքան որ ասում ենք պատերազմի եռագլուխ կուսակցություն, պատերազմի եռագլուխ կուսակցություն, բայց էս քննարկումը նաև ակնհայտ դարձրեց և նրբություններ բացահայտեց, որ էդ պատերազմի եռագլուխ կուսակցությունն իրականում ճշգրիտ նույնն ա նախկինների եռագլուխ կուսակցությանը, որովհետև էն, ինչ մենք այսօր անվանում ենք պատերազմի եռագլուխ կուսակցություն, որը հայտ ա ներկայացնում 2026 թվականի խորհրդարանական ընտրություններին, դա ճշգրիտ Ռոբերտ Քոչարյանի իշխանության փարիների կոալիցիան ա: Էդ կոալիցիայի մեջ էր ԲՀԿ-ն, էդ կոալիցիայի մեջ էր Դաշնակցությունը, էդ կոալիցիայի մեջ էր Հանրապետականը:

Դե հիմա Դաշնակցությունը և Հանրապետականը, ԲՀԿ-ն պարզ ա, բայց Հանրապետականն արդեն, ինչպես հիշում եք, նախորդ խորհրդարանական ընտրություններից փակտիկան փոխել ա: Նախորդ խորհրդարանական ընտրություններում իրենք «ՊՈԻ» էին, հիմա էլ դարձել են «Ուժեղ Հայաստան»: Ընդ որում, էս հանգամանքը, որ «Ուժեղ Հայաստանը» նույն բանն ա, «Հանրապետական» կուսակցությունն ա, ու էն, որ Սերժ Սարգսյանը և մյուսները հայտարարեցին բացահայտ իրանց աջակցելու մասին, բայց կարծում եմ էդ պատկերն ամբողջացրեց բանը, քայլերթի շփուրմանը, որը կանգնած էր, ասենք, ջիպի սփոյկային կանգնած, քայլերթի շփուրմանը, որը, որը մենք մոռացել ենք, ախր ինքը «Հանրապետական» խմբակցության ղեկավար ա եղել և Սերժ Սարգսյանի աշխատակազմի ղեկավար ա եղել: Հիմա էլի եմ ասում՝ երեքի ցուցակը, որ նայես, «Ուժեղ Հայաստան», «Հայաստան» դաշինք, Դաշնակցություն և ԲՀԿ, ճշգրիտ կալոդը խառնած ա, պոկերի տրամաբանությամբ ու բաժանած ա իրար մեջ, ով որտեղ կընկնի: Ու հիմա էնտեղ նենց կոմբինացիաներ են, որ դժվար ա նույնիսկ բան անել, պատկերացնել: Էն մեկը էնտեղ էր, ստեղից, էն մեկը էնտեղ էր, հետո էնտեղ գնաց, հետո գնաց էնտեղ, հետո էնտեղ, հետո էնտեղ: Այսինքն մենք պետք ա արձանագրենք, որ 2027, 2026 թվականի խորհրդարանական ընտրությունները, որ ասում են վերջին շանսն ա, վերջին շանսն ա, դա Քոչարյան-Սարգսյան իշխանության փարիների կոալիցիայի վերջին շանսն ա: Բայց

ես ուզում եմ ասել նաև, որ էսպիսով ավելի ա ընդգծվում, ժողովուրդ ջան, էս նախկին-ներկա բանավեճը հաղթահարելու, կամ ավելի ճիշտ՝ վիճաբանությունը հաղթահարելու անհրաժեշտությունը:

Ու սա շատ կարևոր ա: Ու հիմա ակնհայտ ա, որ դա հաղթահարելու մի ձև կա միայն, միայն մի տարբերակ կա այդ բանավեճը հաղթահարելու: Դրա համար պետք ա 2026 թվի խորհրդարանական ընտրություններում «Ուժեղ Հայաստանը», «Հայաստան» դաշինքը և ԲՀԿ-ն անցողիկ շեմը չհաղթահարեն, և սա, ուղղակի, այսինքն՝ չհաղթահարեն, չհավաքեն էնքան ձայներ, որ անցնեն խորհրդարան: Ու դա ամեն օրվա հետ ավելի իրատեսական քաղաքական խնդիր ա դառնում, ու էդ իրատեսականությունն էս ամբիոնից ուղղակի ճառագեց: Ինչի՞, որովհետև նախ էն քաղաքական ուժերը, որոնք հանդես են գալիս՝ ժողովրդին անվանելով ժեխ, շուն ու շանգյալ, բռշա: Այսինքն՝ տեղ իրանք ի՞նչ են, մարտահրավեր են նետում, որ իրանց ձայն տվող մարդը պիտի ինքն իրան հայտարարագրի՝ որպես ժեխ, շուն ու շանգյալ ու բռշա: Սա իրենց մարտահրավերն ա: Եվ Հայաստանի քաղաքացին պետք ա որոշի, էդ մարտահրավերն ընդունո՞ւմ ա, թե՛ չէ:

Մի հոգի կա, 63 երկրի քաղաքացի ա, ասում ա՛ ես վստահ եմ, որ ես դառնալու եմ բան, վարչապետ: Ուրեմն, հլը տեսեք, երկու հանգամանք եմ ասում. ինքը ոչ ընտրություններին մասնակցում ա, ոչ վարչապետի թեկնածու ա, ոչ պատգամավորի թեկնածու ա, բայց ինքը վստահ ա, որ հաղթելու ա: Բա նրանք, ովքեր որ մասնակցում են, այսինքն՝ դե յուրե համ պատգամավոր են, համ մասնակցում են, համ պատգամավորի թեկնածու են, համ վարչապետի, բա նրանք ի՞նչ ասեն: Այստեղ ուրիշ խնդիր կա: Մի անգամ էդքան ասելուց հետո հղում չեն անում ժողովրդին, ասում են՝ մենք վստահ ենք, որ հաղթելու ենք, բայց մի հատ նախադասություն չկա, որ մենք վստահ ենք, որ մեր ժողովուրդը գալու ա, մեզ ընտրի: Էդ եմ ասում: Ինչ-որ տեղեր ասել են, դրկել են, ասել են գնա, ու էդ երիտասարդն ուղղակի խաբար չի, հիմա ինքը, ասում եմ նեղանում են, ամեն օրվա հետ դառնում ա ավելի ու ավելի բոմժ, ավելի ու ավելի բոմժ ու էստեղ մենք ոչ մի մեղք չունենք, ու էս պրոցեսը շարունակվելու ա:

Ու հաջորդ գործոնը, որ էս ուժերը չհաղթահարեն անցողիկ շեմը. իրանք գալիս են այս ամբիոնից բաներ են խոսում՝ մեր վրա հղում անելով, բայց ժողովուրդը, ուրիշ բան՝

դոնփակ նիստի լինելը: Իրանք եկել են էս ամբիոնից խոսում են, որ մենք թոշակը չենք բարձրացրել: Քանի հոգի վրա-վրա ասում են՝ չէ, ի՞նչ թոշակ ա բարձրացել, թոշակը չի բարձրացել: Հայաստանի Հանրապետության, քանի՞, 600 հազար, թե 4... 660 հազար քաղաքացի արդեն էդ բարձրացրած թոշակը ստացել ա, իրանք էս ամբիոնից գալիս խոսում են: Ո՞նց կարող ա սենց քաղաքական ուժն ընդհանրապես ձայն ստանա: Իրենք գալիս են էս ամբիոնից խոսում են, որ ըստ էության, Առողջության ապահովագրության համակարգը, չնայած մենք հայտարարել ենք, որ ներդրված ա, դա ձախողված համակարգ ա: Երեկ այստեղ բաներ էին խոսում, ուզում էի հասկանալի՝ էս մարդիկ ինչի՞ մասին են խոսում, ինչի՞ մասին են խոսում: Այսինքն՝ գալ, ժողովրդին ասել շուն ու շանգյալ, ժեխ, բոշա, հետո սկսել ասել, ապացուցել ականհայտ բաներ ու հետո գնալ հաղթահարել շեմը, կներեք, իմ քաղաքական զգացողությունը թույլ ա տալիս, որ ես պնդեմ, որ եթե մենք էս պատկերը առավել բացված ներկայացնենք, մենք իրոք հաղթահարելու ենք էս նախկին-ներկա բանավեճը:

Փաստորեն, ես հասկացա, որ մենք 300 դպրոց չենք կառուցում, ես հասկացա, որ մենք դպրոց ընդհանրապես չենք կառուցում, հա, որ մենք դպրոց փակում ենք: Բա էդ, գիտեք ինչ, էդտեղ շատ կարևոր, շատ կարևոր մի հանգամանք կա: Իրանք վերջին անգամ էդ դպրոցները, որ ասում են՝ մենք փակում ենք, ե՞րբ են եղել էդ դպրոցներում, էդ «դպրոցներում», էդ այդ այսպես կոչված դպրոցներում: Բայց էդ դպրոցները, այսպես կոչված դպրոցներն իրանց պետք ա, որովհետև իրանց պետք ա, որ մեր երեխեքը էդ դպրոցներում անցկացնեն 10 տարի, որ էդպես էլ կրթություն չստանան, որ արդյունքում շավվար ունենալու հնարավորությունից նույնիսկ զուրկ լինեն, որ արդյունքում էդ երեխաների շավվար ունենալու հույսն իրանց վրա լինի՝ ընտրակաշառք բաժանողների, էն ընտրակաշառքի բանը, որ վերջում էլ, վերջում էլ, մի հատ ասենք, ենթադրենք, բանի էն, อดhorазовыւմ շավվար շարտեն էդ երեխեքի երեսին, հետևներից էլ ասեն՝ արա այ բոշեք, այ լնգուլավազներ:

Էս, էս էսպես կոչված ավերակներն իրենց պետք են, որովհետև էդ դպրոցից դուրս եկածը հիմնականում սևագործ բանվոր կարա ըլնի, որ իրանց բրիգադներում, կալուզաներում և տարբեր տեղերում, ավտոների, վագոնների տակ քնելով, ամիսներով չլողանալով, բա էդ երեխեքը գիտե՞ք՝ ինչի են սպարտիվկով, որովհետև դուք իրանց

դարել էք աշխատեցնելու և հետք էք ուղարկել էդ սպարտիվկով, որ իրանք գնան օտար երկրներում ձեզ ծառայեն, մի բառ ռուսերեն դաժե չիմանան, որ ձեր կառուցած ստրկությունից ազատվելու հնարավորություն չունենան, որ դաժե առանց ձեր թույլտվության ոչ կարենան շնչել, ոչ արտաշնչել, որ վերջում էլ էդ երեխեքին ասեք՝ այ ի՞նչ, բան, շուն ու շանգյալ և ժեխ: Բա իհարկե պետք են:

Բա հլը եկեք գնանք մեր կառուցած դպրոցը, էդ մեր կառուցած դպրոցներից դուրս եկած երեխեքը ձեզ դաս կտան, դուք ընդհանրապես շանս չունեք էն հասարակության մեջ, որը ձևավորվել ա: Բա մանկապարտեզները, սերունդը ցեխերի մեջ ա մեծացել, ցեխերի մեջ՝ բառիս բուն իմաստով, բա դուք պիտի ցեխերի մեջ երեխեքին պահեք ու մեծացնեք, որ վերջում հնարավորություն ունենաք, ասեք՝ շուն ու շանգյալ, որովհետև էն երեխեքը, որը էսօրվա մեր կառուցած մանկապարտեզ են մտնում և էսօրվա մեր կառուցած դպրոցն են մտնում, էդ դպրոցից դուրս եկող երեխեքի հանրությունում դուք շանս չունեք, դուք բացի շուն ու շանգյալից ուրիշ որևէ կարգավիճակ չեք կարա ունենաք: Ձեք կարա ունենաք: Դուք ընդհանրապես ո՞վ եք, դուք ընդհանրապես ո՞վ եք, ես էդ պատերազմի եռագլուխ, քառագլուխ կուսակցություններին եմ ասում, պլյուս սրբապիղծ կրիհճներին, դուք ընդհանրապես ո՞վ եք, ի՞նչ եք ձեզնից ներկայացնում: Դուք շանս ունեք էն հասարակության մեջ, որտեղ կարողանում եք երեխեքին ցեխերի մեջ պահեք, էն հասարակության մեջ, որտեղ երեխեքը շալվար չունեն և շալվար ունենալու շանս չունեն: Էս ա ձեր կառուցած և ձեր երազած հանրությունը:

Մի հատ էլ, պարոն Օհանյան, եկել եք, էս ամբիոնից ասում, բան եք, հանրությանը կոչ եք անում: Հազար ներողություն, Ձեր կոչը ո՞ւմ ա հետաքրքիր ընդհանրապես: Ձեր կոչը որևէ մեկին որ հետաքրքիր լիներ, Ձեր, գոնե Ձեր քաղաքական ուժն իրա ցուցակում որևէ ձևով կներառեր: Ես խնդրում եմ անընդհատ կոչ արեք հանրությանը, անընդհատ, այ ինչքան շատ կոչ անեք, էնքան ավելի ձեր քաղաքական ուժի խորհրդարան չանցնելու շանսերը մեծանալու ա: Էդ պողկաստը, որ բան են անում, ընդհանրապես էդ նվեր էա, ո՞նց անենք՝ մի քիչ շատ անեն, ո՞նց անենք՝ մի քիչ շատ անեն, որովհետև ինչքան շատ անեն, էնքան իրանց խորհրդարանում հայտնվելու շանսը փոքրանալու ա:

Հիմա էլ եկել են, ասում են՝ խաղաղություն: Նախ՝ էս մարդիկ էլի ի՞նչ ապացուցեցին: Իրենք եկան, ասացին, որ էն խաղաղությունը, որը հաստատված ա, դա Հայաստանին ձեռնտու չի, դա Հայաստանի շահերից չի բխում, իրանք ասում են՝ դե մենք դեմ չենք խաղաղությանը, բայց իրենք ուզում են, իրանք ասում են՝ այ խաղաղությունը մեր ժամանակ էր...

Եկեք նայենք՝ ինչ խաղաղություն ա եղել իրենց ժամանակ: 98 թվական՝ 24 զոհ Հայաստան-Ադրբեջան փոխհրաձգության հետևանքով, 99 թվական՝ 12 զոհ փոխհրաձգության հետևանքով, 2000 թվական՝ 12 զոհ փոխհրաձգության հետևանքով, 2001 թվական՝ 3 զոհ սահմանին, 2002 թվական՝ 7 զոհ, 2003 թվական՝ 11 զոհ, 2004 թվական՝ 8 զոհ, 2005 թվական՝ 14 զոհ, 2006 թվական՝ 7 զոհ, 2007 թվական՝ 7 զոհ, 2008 թվական՝ 5 զոհ, 2009 թվական՝ 6 զոհ, 2010 թվական՝ 11 զոհ, 2011 թվական՝ 10 զոհ, 2012 թվական՝ 13 զոհ, 2013 թվական՝ 6 զոհ, 2014 թվական՝ 26 զոհ, 2015 թվական՝ 38 զոհ, 2016 թվական՝ 22 զոհ, 2017 թվական՝ 22 զոհ:

Էս ա իրանց ուզած խաղաղությունը: Հիմա... (դահլիճից արձագանքում են, արձագանքը հստակ չի լսվում) Չէ, չէ, մի բռայե, 20 թվականի մասին էնքան ասվել ա, և մենք երբեք դա չենք... Էդ դուք եք, որ 1000-ով, անընդհատ, 2000-ով, 3000-ով ուզում եք ավելացնեք: Եվ չի արձանագրվում մի բան, որ ի վերջո... Ասում են՝ ինչի ես ասել «Արցախը Հայաստան է և վերջ»: Ես մեր կուսակցության համաժողովում մի անգամ էդ թեմային անդրադարձել եմ, բայց կա նաև մի իրողություն, հարգելի գործընկերներ, 94 թվականից, 95 թվականից փաստացի Հայաստանի Հանրապետությունը՝ որպես պետություն, նույն կերպի վրա կանգնած ա եղել 25 տարի: Նույն կերպի վրա կանգնած ա եղել 25 տարի: Ու էդ կերպը եղել ա փակուղային կերպ: Եվ հիմա էլ, հիմա էլ մի նոր բան, էս մարդիկ էդպես էլ բան չարեցին: Մի հայր եկան քննիչ հանձնաժողով, չգիտեմ, էս կրացահայրենք, Ղարաբաղի հարցի բանակցային թղթերը... Հրապարակեցինք Ղարաբաղի հարցի... Հիմա էլ ընկել են, բանը, քննիչ հանձնաժողովի զեկույցը: Ասենք, ձեզ պարզ չի՞, էս ա էդ էլ ա ինչ-որ ձևով պիտի հրապարակվի: Ասենք, էդ փոցխին անընդհատ ինչի՞ եք կանգնում:

Այո, մենք էդ մարտահրավերի հետ առերեսվել ենք: Բա 30 տարի, անկախության 30 տարի ամբողջ պետական համակարգը աշխատել ա էն տրամաբանությամբ, որ

Արցախը Հայաստան ա: Լուծված ա էդ հարցը, խնդիր չկա, ամեն ինչ նորմալ ա: Եկել ենք, առերեսվել ենք էդ իրողության հետ, մի հար հասկանանք՝ ի՞նչ ա կատարվում: Ու սկսել ենք հարցեր տալ ու սկսել ենք գնալ էդ հարցերի հետևից ու սկսել ենք գտնել էդ հարցերի պատասխանները: Ու էդ հարցերի պատասխանների հետևից ա, որ հասկացել ենք, որ մենք թակարդի մեջ ենք, որ պետք ա էդ թակարդից դուրս գալ, որովհետև եթե էդ թակարդից դուրս չգանք, մենք պետությունը կորցնելու ենք:

Եվ դա, այո՛, ես ուզում եմ ասել, հարգելի գործընկերներ, և դա պետք ա ասել, որ մենք շատ արդյունավետ իշխանություն ենք, որովհետև մենք մեր երկիրը դուրս ենք բերել թակարդից: Էն թակարդից, որի մեջ մտել ենք Ղարաբաղի շարժումով և որի մեջ պատերազմի եռագլուխ կուսակցությունները և նրանց սատարիչները մեզ անընդհար մտցրել են ու պահել են փակուղում, ու ամեն ինչը, ամեն ինչը բացարձակապես բացառել են դրանով: Եվ մենք մեր երկիրը դուրս ենք բերել փակուղուց: Սրա համար խիզախություն ա պետք, սրա համար խիզախություն ա պետք, և մենք էդ խիզախությունը ցուցաբերել ենք: Պարոն Խաչատրյանն ասում ա՝ «պատերազմն ավարտվում ա, երբ պատերազմի պարճառը հանգուցալուծվում ա...» կամ չգիտեմ ինչ, տենց մի բառ ա օգտագործում: Բա էդ ենք ասում՝ պատերազմի պարճառը եղել ա Ղարաբաղյան շարժումը: Ղարաբաղյան շարժումը չկա, ուրեմն պատերազմ չկա: Էս ա ամբողջ խնդիրը: Եվ մենք, այո, գիտակցված գնացել ենք էդ ճանապարհով:

Հիմա էլ գիծ են տանում իմ պրոթուրքականության և իմ պրոադրբեջանականության մասին, որովհետև էս մարդիկ ասում են, տեսեք՝ ինչ են ասում, ասում են՝ մենք դեմ չենք խաղաղությանը: Իրենք երբեք դեմ չեն եղել խաղաղությանը, բայց իրանք խաղաղությունը միշտ քննարկել են փարածաշրջանից հազարավոր կիլոմետրեր հեռու: Հասկանո՞ւմ եք, փարածաշրջանից հազարավոր կիլոմետր՝ Մոսկվայում, Բրյուսելում, այլ տեղերում, Քի Վեսթում և այլն: Մենք միշտ, մենք միշտ, էլի եմ ասում, խաղաղության մասին մեր պատկերացումն էն ա, որ մենք Ավստրալիայի հետ ունենք հարաբերություն և հուսալի խաղաղություն: Իսկ խաղաղությունն էն ա, որ դու ունես քո փարածաշրջանում: Ո՞նց եք պատկերացնում խաղաղություն՝ այն փնտրելով փարածաշրջանից դուրս: Դա պատերազմ ա, դա ինքնին պատերազմ ա:

Մենք ունեցել ենք էդ համարձակությունը՝ գնանք և խոսանք: Մենք ունեցել ենք համարձակությունը՝ խոսենք...

Ուրիշ բան էլ են ասում: Ասում են՝ քանի որ... Գրել էի... Ասում ա՛ էդ նշանակում ա, որ դու, Փաշինյանն, ասում ա, ունի պայմանավորվածություններ: Հա, պարզ չի՞, որ ունենք պայմանավորվածություններ: Էդ պայմանավորվածությունները ստորագրված, նախաստորագրված, մի մասն էլ վավերացված ա էդ պայմանավորվածությունների: Բա հենց էդ ա, որ դուք, ձեր ամբողջ քաղաքականություն էդ պայմանավորվածությունների դեմ ա, որը խաղաղության և կայունության անկյունաքարն ա, հիմքն ա: Էդ հիմքը, որ տակից քաշվեց, խաղաղությունն ու կայունությունը փլուզվելու ա: Ըտեղ սպառնալիք չկա, ոչ մի սպառնալու բան չկա: Դա շատ պարզ, շատ սովորական տրամաբանություն ա:

Եվ այո՛, էս ընտրություններում ժողովուրդը պետք ա տեր կանգնի խաղաղությանը նաև էդ տրամաբանությամբ, որ ակնհայտ լինի, որ Հայաստանի Հանրապետության ժողովուրդը էս քաղաքականությունը պաշտպանում ա, տեր ա կանգնում էս քաղաքականությանը: Ընդ որում, ասում եմ՝ երբեք չեմ ունեցել և չունեմ էն հրապարակային հայտարարված և գրավորից դուրս որևէ պայմանավորվածություն: Այո՛, հենց առանցքը և նրբությունը դա ա՛ բոլոր պայմանավորվածությունները ձեռք բերված են և հրապարակված են էդ պայմանավորվածությունները: Դուք եկեք պայմանավորվածությունների բովանդակությունից խոսացեք: Չունեն ասելիք: Հա, էդ էլ բանն էր, դատի էին տալիս՝ խաղաղության համաձայնագրի բանը, տեքստը չեն տալիս ծանոթանանք: Գնում էին, մի քանի անգամ թողեցինք, գնացին, ծանոթացան: Գնում էին կարդում, գալիս, ուրիշ բաներ էին պատմում: Բա հիմա հրապարակային ա: Ո՛վ ա հիշում՝ ընդդիմությունը վերջին անգամ Ե՛րբ ա այս ամբիոնից եկել, բռնել խաղաղության համաձայնագրի կամ չգիտեմ, հռչակագրի տեքստը, սկսել տող կարդալ և բան անել: Ե՛րբ, եղե՛լ ա տենց բան ընդհանրապես (դահլիճից արձագանքում են՝ հրապարակումից առաջ): Չէ, չէ, հրապարակումից, բա հրապարակումից առաջ, երբ որ դա կոնֆիդենցիալ էր, ինչ ասես ասում էին, հենց հրապարակվեց, էդ թեման ամփոփվեց: Նույնն էլ բանակցային թղթերը, բա հիմա հրապարակված են: Ասում էիք ա, հիմա հլը հրապարակեք, մենք... Ե՛րբ եք տեսել, որ ընդդիմությունը կամ էս

ամբիոնին, կամ հրապարակային կանգնի, ասի՝ թուղթ մեկ, հլը տեսեք էս ինչ ա գրած, հլը տեսեք էս ինչ ա գրած, հլը տեսեք էս ինչ ա գրած:

Ըստ էության, այս քննարկման արդյունքում արձանագրվեց երկու բան՝ առաջինը, որ խաղաղությունը վերանայելը պատերազմի եռագլուխ կուսակցության, որը ձևավորված է նախկին իշխանության ներկայացուցիչներից, հիմնական և առանցքային խնդիրն է: Հիմա էլ նոր խուճապ ա սկսել: Մի ժամանակ ասում էին, որ բանակը, չգիտեմ, բան, անպաշտպան ենք, սահմաններ... Հիմա մենք ասում ենք՝ լավ, ասում ենք՝ լավ, ժողովրդին ցույց կտանք: Հիմա էլ սկսել են, բանի՞ ի՞նչ են ցույց տալու, չէ, ցույց չեն տալու, չէ, էդ որ ցույց են տալու, էդ էդ չի, ուրիշ բան են ցույց տալու: Ինչի՞ եք խառնվել իրար: Ինչի՞ եք նորերը ցույց տալիս, հները ցույց տվեք, չգիտեմ ինչը ցույց տվեք, էս ցույց տվեք: Ցույց ենք տալիս, որ ի վերջո տեսանելի կերպով պատասխանենք ձեր՝ պետական պարտքի հետ կապված բոլոր թուր պնդումներին: Դրա համար ենք ցույց տալիս: Եվ ցույց ենք տալիս նաև նրա համար, որ դա էլ մի գործոն դառնա, որ դուք՝ «Հայաստան» դաշինքը, ուժեղ ՀՀԿ-ն և ԲՀԿ-ն չանցնեն խորհրդարան, որ չհավաքեն անհրաժեշտ թվով ձայներ խորհրդարանական կուսակցություն դառնալու համար, որովհետև չի կարա էդքան լկտի ձևով, հիբրիդային դեզինֆորմացիայի միջոցով ժողովրդին ապատեղեկավարվության հորձանուտի մեջ գցել փորձող քաղաքական ուժը էլի հայտնվի խորհրդարանում: Դա շատ վատ բան կլինի: Ես չեմ կարա հավատամ, կներեք, հազար ներողություն, եթե ես հիմա ասեմ՝ գիտեք ինչ, կարող ա «Ուժեղ Հայաստանը», «Հայաստան» դաշինքը, ուժեղ ՀՀԿ-ն ու ԲՀԿ-ն անցնեն խորհրդարան, նշանակում ա՛ ես իմ մտքով անցկացնեմ, որ Հայաստանի Հանրապետությունում էդքան շուն ու շանգյալ կա, որ կարա իրանց օգտին քվեարկի: Ես ձեզ լուրջ եմ ասում, հարգելի գործընկերներ: Մենք մեր բանի, խոսույթում, եթե մեր հանրային խոսույթում լինի միտք, որ ուժեղ ՀՀԿ-ն, «Հայաստան» դաշինքը և ԲՀԿ-ն կարան անցնեն խորհրդարան, դա անհարգալից վերաբերմունք ա Հայաստանի Հանրապետության քաղաքացիների նկատմամբ: Ում մտքով տենց բան անցնի, որ էդ 3 քաղաքական ուժը կարան անցնեն խորհրդարան, դա անհարգալից վերաբերմունք ա: Այո, բա ժողովուրդը որոշում ա... Էդ եմ ասում, մի հատ, բանը, էդ, էդ, էդ 62 երկրի պասսպորտ ունեցող անձը ասում ա՛ ես դառնալու եմ վարչապետ, ես դառնալու եմ

վարչապետ, ես դառնալու եմ վարչապետ: Ասում են՝ մենք... Տեսե՛լ եք՝ մի օր ժողովրդի անուն Կան: Տեսե՛լ եք՝ մի օր ժողովրդի անուն Կան: Մի անգամ ժողովրդի անուն չեն Կան: Իսկ մենք Կանե՛լ եք՝ երբևէ մենք ասենք որևէ բան՝ առանց ժողովրդին հղում անելու: Մենք ասում ենք, որ, ժողովուրդ ջան, Կան կանգնիր խաղաղությանը և մեզ Կան չի պարզապես, «Քաղաքացիական պայմանագիր» կուսակցությանը չԿան Կան պարզապես՝ խորհրդարանական մեծամասնություն ձևավորվի, Կան Կան, որ սահմանադրական մեծամասնություն ձևավորի, որպեսզի խաղաղությանը Կան կանգնելու պրոցեսը գնա մինչև վերջ: Իսկ իրանք ասում են՝ մենք վստահ ենք, վստահ ենք, մենք էս ենք անելու, էն ենք անելու, էն ենք անելու, և խոսում են շուն ու շանգյալների և բռնաների մասին:

Եվ էս քաղաքական կոնֆրասսյուն Կան, որը Կան Կան պայմանավորի առաջիկա քաղաքական դիսկուրսը: Ես կարծում եմ հեղափոխություն, որ առաջիկա, առաջիկա քաղաքական պրոցեսների իմաստը Կան Կան լինի հեղափոխություն՝ ժողովուրդը Կան Կան Կան կանգնի խաղաղությանը և ժողովուրդը պատերազմի եռագլուխ կուսակցության, նախկինների եռագլուխ կուսակցության շուն ու շանգյալներին և քաղաքական բռնաներին Կան Կան ուղարկի հարաբեր քաղաքական... (դահիլիճից արձագանքում են, հստակ լսելի չեն) դուրս, հարաբեր քաղաքականությունից դուրս:

Հա, իմիջիայլոց ասեմ, որ երեկ ապօրինի գույքի բռնագանձման գործով, ես էսօր առավոտը կարդացի, Հայաստանի Հանրապետության վճարելի դատարանը առաջին նախադեպային որոշումը կայացրել Կան, և համոզված եմ՝ դրանով շատ ձեզ հայտնի շրջանակների բոմժ դառնալու պրոցեսը այլևս անշրջելի Կան: Շնորհակալ եմ:»

2.3 «Հանրային ծառայության մասին» օրենքի (այսուհետ՝ Օրենք) 4-րդ հոդվածի 3-րդ մասի համաձայն.

«3. Պետական պաշտոնները դասակարգվում են Կան կանների՝ քաղաքական, վարչական, ինքնավար և հայեցողական:»:

2.4 Օրենքի 5-րդ հոդվածի 2-րդ մասի համաձայն.

«2. Պետական քաղաքական պաշտոններն են (...) վարչապետի (...) պաշտոնները, (...) »:

2.5 Օրենքի 25-րդ հոդվածով նախատեսվում է բարեկրթության և հարգալիրության սկզբունքը և սահմանվում է.

«1. Հանրային պաշտոն զբաղեցնող անձինք և հանրային ծառայողները դրսևորում են պաշտոնին վայել վարքագիծ: Նրանք բարեկիրթ վերաբերմունք են դրսևորում բոլոր այն անձանց նկատմամբ, որոնց հետ շփվում են իրենց լիազորություններն իրականացնելիս:»:

2.6 Օրենքի 28-րդ հոդվածի համաձայն.

«1. Պետական պաշտոն զբաղեցնող անձանց (բացառությամբ պատգամավորի, դատավորի, Բարձրագույն դատական խորհրդի անդամի, դատախազի, քննիչի), համայնքների ղեկավարների, նրանց տեղակալների, Երևան համայնքի վարչական շրջանների ղեկավարների, նրանց տեղակալների պաշտոն զբաղեցնող անձանց՝ սույն օրենքով սահմանված վարքագծի սկզբունքներից բխող վարքագծի կանոնները սահմանվում են Կոռուպցիայի կանխարգելման հանձնաժողովի ընդունած վարքագծի կանոնագրքով:

(...)

3. Հանրային պաշտոն զբաղեցնող անձինք և հանրային ծառայողները պարտավոր են պահպանել սույն օրենքով սահմանված վարքագծի սկզբունքները և դրանցից բխող վարքագծի կանոնները:

(...):»:

2.7 «Կոռուպցիայի կանխարգելման հանձնաժողովի մասին» օրենքի 27-րդ հոդվածի համաձայն.

«1. Վարույթ կարող է հարուցվել՝

1) յուրաքանչյուր անձի (անձանց) գրավոր դիմումի հիման վրա, իսկ քննչական մարմինների ղեկավարների և նրանց տեղակալների դեպքում՝ նաև Հայաստանի Հանրապետության վարչապետի դիմումի հիման վրա.

(...)

2. Հանձնաժողովը (...) պետական պաշտոն զբաղեցնող անձանց (բացառությամբ պատգամավորի, դատավորի, Բարձրագույն դատական խորհրդի անդամի, դատախազի, քննիչի), համայնքների ղեկավարների, նրանց տեղակալների, Երևան

համայնքի վարչական շրջանների ղեկավարների, նրանց տեղակալների պաշտոն զբաղեցնող անձանց կողմից վարքագծի կանոնների առերևույթ խախտումների, բացառությամբ նվերներ ընդունելու սահմանափակումներին առնչվող խախտումների, կամ շահերի բախման առերևույթ դեպքերի առկայության պարագայում հարուցում է համապատասխան վարույթ: Սույն մասի փակագծերում նշված բացառությունը չի տարածվում քննչական մարմինների ղեկավարների, նրանց տեղակալների և գլխավոր դատախազի տեղակալների վրա:

(...):»:

2.8 «Կոռուպցիայի կանխարգելման հանձնաժողովի մասին» օրենքի 30-րդ հոդվածի համաձայն.

«1. Դիմումը վերադարձնելու կամ վարույթի հարուցումը մերժելու մասին Հանձնաժողովն ընդունում է որոշում դիմումն սպանալուց հետո՝ հինգ աշխատանքային օրվա ընթացքում:

(...)

3. Հանձնաժողովը մերժում է վարույթի հարուցումը, եթե՝

1) դիմումի ուսումնասիրության արդյունքում պարզվում է, որ առկա չեն վարույթ հարուցելու հիմքեր.

(...)

4. Սույն հոդվածով նախատեսված որոշումները եռօրյա ժամկետում ուղարկվում են դիմողին:»:

2.9 «Վարչարարության հիմունքների և վարչական վարույթի մասին» օրենքի 50-րդ հոդվածի 1-ին մասի համաձայն.

«1. Դիմումով հարուցված վարչական վարույթը կարճվում է, եթե՝

(...)

գ) գոյություն ունի միևնույն անձի, միևնույն առարկայի վերաբերյալ և միևնույն հիմքերով ուժի մեջ մտած վարչական կամ դատական ակտ.

(...):»:

2.10 «Նորմատիվ իրավական ակտերի մասին» օրենքի 39-րդ հոդվածի 1-ին մասի համաձայն.

«1. Եթե օրենսդրության մեջ բացակայում է կոնկրետ հասարակական հարաբերությունը կարգավորող իրավական նորմը, սակայն օրենսդրությամբ սահմանված է համանման հարաբերությունները կարգավորող այլ իրավական նորմ, ապա այդպիսի հարաբերությունների նկատմամբ (եթե դա չի հակասում դրանց էությանը) կիրառվում են համանման հարաբերություններ կարգավորող իրավական նորմերը (օրենքի անալոգիա):»:

2.11 Կանոնագրքի 1-ին կետի համաձայն.

1. (...) կանոնագիրքը վարքագծի կանոնների ամբողջություն է, որով պետք է առաջնորդվեն հանրային պաշտոն զբաղեցնող անձինք:»:

2.12 Կանոնագրքի 36-րդ կետի համաձայն.

«36. Հանրային պաշտոն զբաղեցնող անձը պարտավոր է ի պաշտոնե հանդես գալիս՝ ցանկացած իրավիճակում, ցուցաբերել բարեկրթություն, քաղաքավարություն, նրբանկատություն, զսպվածություն:»:

2.13 Կանոնագրքի 37-րդ կետի համաձայն.

«37. Հանրային պաշտոն զբաղեցնող անձը պարտավոր է հարգել վերադասի, անմիջական ղեկավարի (առկայության դեպքում), այլ հանրային պաշտոն զբաղեցնող անձանց, հանրային ծառայողների և այլ աշխատողների, ինչպես նաև այլոց պատիվն ու արժանապատվությունը:»:

2.14 Կանոնագրքի 61-64-րդ կետերի համաձայն.

«61. Հանրային պաշտոն զբաղեցնող անձը պարտավոր է հարգել հանրային պաշտոն զբաղեցնող այլ անձանց, հանրային ծառայողների և այլ աշխատողների քաղաքական չեզոքություն և քաղաքական զսպվածություն դրսևորելու օրենսդրական պարտականությունը և չպահանջել նրանցից գործել դրա շրջանակներից դուրս:

62. Հանրային պաշտոն զբաղեցող անձը պարտավոր է ընտրությունների ժամանակ պահպանել նախընտրական քարոզչության, ներառյալ՝ քաղաքական գովազդին օրենքով ներկայացվող սահմանափակումները և պահանջները, ինչպես նաև՝ չօգտագործել հանրային ռեսուրսները, օրենքով նախատեսված վարչական ռեսուրսներն իր, այլ անձանց կամ քաղաքական կուսակցությունների նախընտրական քարոզարշավի համար, չներգրավել այլ հանրային պաշտոն զբաղեցող անձանց,

հանրային ծառայողների կամ այլ աշխատողների՝ օգտագործելու իրենց աշխատանքային ժամերը կամ այլ ռեսուրսները այդ նպատակի համար:

63. Հանրային պաշտոն զբաղեցնող անձը պարտավոր է իր պաշտոնեական (ծառայողական) պարտականություններն իրականացնելիս չկատարել կուսակցական շահը սպասարկելու համար հանրային ռեսուրսները փրամադրելու պահանջները, ինչպես նաև նման պահանջներ չներկայացնել հանրային պաշտոն զբաղեցնող այլ անձանց, հանրային ծառայողների կամ այլ աշխատողների:

64. Հայաստանի Հանրապետության օրենսդրությամբ քաղաքական զսպվածության պարտավորություն ունեցող հանրային պաշտոն զբաղեցնող անձը, այդ թվում՝ անկախ ու ինքնավար մարմիններում հայեցողական պաշտոն զբաղեցնող անձը, ում անմիջական ղեկավարը կամ վերադասն ունի քաղաքական զսպվածության օրենսդրական պարտավորություն, պարտավոր է զերծ մնալ քաղաքական բնույթի հանրային ելույթներ ունենալուց, քաղաքական կողմնորոշում ունեցող հոդվածներ հրատարակելուց կամ սոցիալական մեդիայում ունեցած իր օգտահաշվից քաղաքական որևէ կուսակցության օգտին կամ դրա դեմ գրառումներ կատարելուց, նմանապիսի գրառումներ հավանելուց կամ փարածելուց:»:

Հանձնաժողովն Ազգային ժողովի ութերորդ գումարման 11-րդ նստաշրջանի՝ 2026 թվականի ապրիլի 16-ի հերթական նիստի ընթացքում ՀՀ վարչապետ Ն.Փաշինյանի եզրափակիչ ելույթի շրջանակներում նրա վարքագծի իրավաչափության վերաբերյալ ստացել է ևս 3 դիմում՝ 2026 թվականի ապրիլի 18-ին, 21-ին և 22-ին: Նշված դիմումները վերաբերել են նույն դեպքին և նույն փաստական հանգամանքներին, ընդ որում, դրանցից երկուսն իրենց բովանդակությամբ, վկայակոչված փաստերով և իրավական հիմնավորումներով նույնական են եղել Ա.Կոստանյանի ներկայացրած Դիմումին: Նշված դիմումների քննարկմամբ Հանձնաժողովը 2026 թվականի ապրիլի 27-ին ընդունել է «Վարքագծի կանոնների առերևույթ խախտման վերաբերյալ վարույթի հարուցումը մերժելու մասին» թիվ 07/2026/Վ/Վ որոշումը²՝ արձանագրելով Կանոնագրքի դրույթների առերևույթ խախտման բացակայություն:

² Որոշումը հասանելի՝ <https://cpcarmenia.am/wp-content/uploads/2026/05/00-4.pdf>

Նկատի ունենալով, որ Դիմումը վերաբերում է Հանձնաժողովի կողմից թիվ 07/2026/Վ/Վ որոշմամբ քննարկված դիմումներով ներկայացված նույն դեպքի շրջանակներում նույն պաշտոնատար անձի վարքագծին և դրանով ներկայացված ինչպես փաստական հանգամանքները, այնպես էլ իրավական հիմնավորումները նույնական են վերոգրյալ դիմումներով ներկայացված հանգամանքներին ու հիմնավորումներին՝ Հանձնաժողովն արձանագրում է, որ Դիմումի առարկան նույնական է Հանձնաժողովի թիվ 07/2026/Վ/Վ որոշման հիմքում ընկած փաստական հանգամանքների հետ:

Թեև «Կոռուպցիայի կանխարգելման հանձնաժողովի մասին» օրենքի 30-րդ հոդվածով նախատեսված՝ վարույթի հարուցումը մերժելու հիմքերով սույն դեպքն ուղղակիորեն սահմանված չէ, այնուամենայնիվ, Հանձնաժողովը գտնում է, որ սույն դեպքում պետք է կիրառվի օրենքի անալոգիա՝ կիրառելով համանման հարաբերությունները կարգավորող՝ «Վարչարարության հիմունքների և վարչական վարույթի մասին» օրենքի 50-րդ հոդվածի 1-ին մասի «գ» կետը: Մասնավորապես, նշված դրույթի համաձայն՝ վարչական վարույթը կարճվում է, եթե գոյություն ունի միևնույն անձի, միևնույն առարկայի վերաբերյալ և միևնույն հիմքերով ուժի մեջ մտած վարչական կամ դատական ակտ:

Հանձնաժողովը գտնում է, որ նշված կարգավորման նպատակը բացառելն է վարչական մարմնի կողմից արդեն իսկ քննված դեպքի վերաբերյալ նոր վարույթի իրականացումը: Միաժամանակ, «Վարչարարության հիմունքների և վարչական վարույթի մասին» օրենքով նշված դեպքը նախատեսվել է որպես վարույթի կարճման և ոչ թե վարույթի հարուցումը մերժելու հիմք, քանի որ, ի տարբերություն վարքագծի կանոնների առերևույթ խախտման վերաբերյալ վարույթի, «Վարչարարության հիմունքների և վարչական վարույթի մասին» օրենքով նախատեսվող վարչական վարույթները համարվում են հարուցված՝ համապատասխան դիմումը կամ բողոքը վարչական մարմնում ստանալու օրվանից (օրենքի 30-րդ հոդվածի 2-րդ մաս):

Ըստ այդմ, Հանձնաժողովը գտնում է, որ այն վարույթների դեպքում, որոնք չեն համարվում հարուցված դիմումը ստանալու պահից և որոնց հարուցման փուլը ենթադրում է դիմումի ուսումնասիրության հիման վրա վարույթի հարուցումը մերժելու

հնարավորություն, ինչպես վարքագծի կանոնների առերևույթ խախտման վերաբերյալ վարույթի պարագայում է, «Վարչարարության հիմունքների և վարչական վարույթի մասին» օրենքի 50-րդ հոդվածի 1-ին մասի «գ» կետը կարող է կիրառվել օրենքի անալոգիայով՝ բացառելու համար վարչական մարմնի կողմից նույն առարկայով և նույն փաստական հանգամանքների վերաբերյալ կրկնակի քննության իրականացումը:

Վերոգրյալից ելնելով՝ Հանձնաժողովը գտնում է, որ Դիմումով ներկայացված՝ վարույթի հարուցման պահանջը ենթակա է մերժման:

Հաշվի առնելով նշված փաստական հանգամանքները և ղեկավարվելով «Կոռուպցիայի կանխարգելման հանձնաժողովի մասին» 27-րդ հոդվածով, 22-րդ հոդվածի 1-ին մասի 2-րդ կետով, «Վարչարարության հիմունքների և վարչական վարույթի մասին» օրենքի 30-րդ հոդվածի 50-րդ հոդվածի 1-ին մասի գ կետով և «Նորմատիվ իրավական ակտերի մասին» օրենքի 39-րդ հոդվածի 1-ին մասով՝ Հանձնաժողովը

Ո Ր Ո Շ Ե Ց

1. Աննա Կոստանյանի կողմից 2026 թվականի ապրիլի 29-ին ներկայացված դիմումի հիման վրա վարույթի հարուցումը մերժել:
2. Սույն որոշումը եռօրյա ժամկետում ուղարկել Աննա Կոստանյանին:

ՀԱՆՁՆԱԺՈՂՈՎԻ ՆԱԽԱԳԱՀԻ

ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝

ՄԱՐԻԱՄ ԳԱԼՍՅԱՆ